



Broj: 150-16-35-191- 8 /24 TT
Sarajevo, 16. 04. 2024. godine

Na osnovu člana 69. stav (1) tačka b) i člana 70. stav (1) i (4) Zakona o javnim nabavkama («Službeni glasnik BiH», 39/14 i 59/22), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine, broj: UV-104-01-1-1425-15/21 od 29. juna 2021. godine i broj: UV-122-01-1-2029-11/22 od 28. novembra 2022. godine, člana 13. stav (2) tačka c) i člana 45. stav (2) Pravilnika o javnim nabavkama Centralne banke Bosne i Hercegovine, broj: UV-122-02-1-829-12/23 od 30. marta 2023. godine, te Zaključka sa šeste (6.) sjednice Upravnog vijeća Centralne banke Bosne i Hercegovine, guvernerka Centralne banke Bosne i Hercegovine, donosi

O D L U K U

o poništenju postupka javne nabavke robe - nabavka terenskih vozila

Član 1.

Ovom odlukom poništava se otvoreni postupak za nabavku robe - nabavka terenskih vozila za podršku osiguranja vrijednosnih pošiljki, procijenjene vrijednosti u iznosu od 273.500,00 KM, prema Zaključku sa šeste (6.) sjednice Upravnog vijeća Centralne banke Bosne i Hercegovine.

Član 2.

Za realizaciju ove odluke zadužuju se Odjeljenje za sisteme sigurnosti, Odjeljenje za javne nabavke i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web stranici Centralne banke www.cbbh.ba, u skladu sa članom 70. stav 6. Zakona o javnim nabavkama («Službeni glasnik BiH», broj 39/14 i 59/22).

O b r a z l o ž e n j e

Postupak javne nabavke robe – nabavka terenskih vozila za podršku osiguranja vrijednosnih pošiljki, pokrenut je Odlukom o pokretanju postupka, broj: 150-16-35-1849-2/23 TT od 3. novembra 2023. godine. U skladu s navedenim, Centralna banka je 3. novembra 2023. godine na portalu Javnih nabavki objavila Obavještenje o nabavci broj: 1370-1-1-553-3-364/23 zajedno sa tenderskom dokumentacijom u predmetnom postupku, primjenjujući kriterij ekonomski najpovoljnije ponude. U tenderskoj dokumentaciji su detaljno definisani i razrađeni potkriteriji za ocjenu ponuda (cijena 70%, rok isporuke 20% i garantni rok 10%), u skladu s prirodom i svrhom konkretnog predmeta nabavke, sa utvrđenom preciznom metodologijom vrednovanja svakog potkriterija.



U roku određenom za prijem ponuda, odnosno do 24. novembra 2023. godine, dostavljene su ponude sljedećih ponuđača:

1. EXPO AUTO d.o.o. Tuzla, Prve tuzlanske brigade br. 2, 75000 Tuzla i
2. BUNJO d.o.o., Alipašina bb, 71000 Sarajevo.

Komisija nadležna za provođenje postupka javne nabavke, imenovana Rješenjem broj: 150-16-35-1849-3/23 TT od 3. novembra 2023. godine (u daljnjem tekstu: Komisija), je nakon izvršenog pregleda i ocjene ponuda konstatovala da zaprimljene ponude navedenih ponuđača zadovoljavaju sve uslove tražene tenderskom dokumentacijom. Ponuđač EXPO AUTO d.o.o. je ponudio terensko vozilo Toyota Land Cruiser sa paketom opreme „Active“, dok je ponuđač BUNJO d.o.o. ponudio terensko vozilo Toyota Land Cruiser sa paketom opreme „Premium“. Primjenjujući kriterij za dodjelu ugovora utvrđen tenderskom dokumentacijom, prema metodologiji utvrđenoj u tenderskoj dokumentaciji, Komisija je izvršila dodjelu bodova po potkriterijima za ocjenu ponuda, pri čemu su ponuđaču EXPO AUTO d.o.o. ukupno dodijeljena 82 boda, a ponuđaču BUNJO d.o.o. ukupno je dodijeljeno 82,15 bodova.

Komisija je navedene činjenice konstatovala u svom Zapisniku o pregledu i ocjeni ponuda broj: 149-16-35-1930-6/23 od 27. novembra 2023. godine i Izvještaju o radu Komisije sa Preporukom broj: 149-16-35-1930-7/23 od 27. novembra 2023. godine.

Također, Komisija je u svom Zapisniku, broj: 149-16-35-839-1/24 od 25. marta 2024. godine, konstatovala da se ponuda ponuđača EXPO AUTO d.o.o. Tuzla, Prve tuzlanske brigade br. 2, 75000 Tuzla, ne razmatra u daljnjem toku postupka iz razloga što ponuđač nije odgovorio na pisani zahtjev Centralne banke Bosne i Hercegovine, u pogledu produženja perioda važenja ponude. Naime, dana 7. marta 2024. godine Centralna banka je na adrese učesnika u predmetnom postupku (EXPO AUTO d.o.o. Tuzla i BUNJO d.o.o. Sarajevo), uputila Zahtjev za produženje perioda važenja ponuda koje su dostavljene u postupku javne nabavke robe – nabavka terenskih vozila, za dodatnih 90 dana, s obzirom da je period važenja istih 23. mart 2024. godine.

Ponuđač BUNJO d.o.o. je dana 13. marta 2024. godine dostavio dopis kojim je produžio trajanje svoje ponude, na period od dodatnih 90 dana. Ponuđač EXPO AUTO d.o.o. Tuzla nije odgovorio na pisani zahtjev Centralne banke Bosne i Hercegovine, u pogledu produženja perioda važenja ponude.

U skladu sa članom 60. stav (3) Zakona o javnim nabavkama „ako ponuđač ne odgovori na pismeni zahtjev ugovornog organa u pogledu produženja perioda važenja ponude ili ne pristane produžiti rok važenja ponude, smatra se da je ponuđač odbio zahtjev ugovornog organa, te se njegova ponuda ne razmatra u daljnjem toku postupka“.

Upravno vijeće Centralne banke Bosne i Hercegovine, po dostavljenom prijedlogu Odluke o izboru, kao ovlašteni donosilac Odluke određen internim propisom Centralne banke, je na šestoj (6.) sjednici koja je održana 28. marta 2024. godine, donijelo Zaključak, pod tačkom Ad.8 podtačka c), koji glasi: „Upravno vijeće je razmatralo dostavljenu Informaciju i dopunu materijala i zatražilo da se poništi postupak nabavke terenskih vozila s obzirom da je zbog dužine trajanja

samog postupka nabavke prevaziđen faktor hitnosti na kojem se temeljio postupak i prijedlog za izbor najpovoljnijeg ponuđača koji je značajno skuplji od druge ponude razmatrane tokom postupka“.

„Također, Upravno vijeće je primilo na znanje informaciju da je važenje druge ponude isteklo 23.3.2024. godine, te s obzirom da ponuđač EXPO AUTO d.o.o. Tuzla nije odgovorio na zahtjev o produženju ponude, ponuda nije ni razmatrana u daljnjem postupku i dostavljenom prijedlogu Komisije nadležne za provođenje postupka javne nabavke“.

Prema internim propisima Centralne banke koji regulišu oblast javnih nabavki, guvernerka Centralne banke donosi odluku o poništenju postupka nabavke bez obzira na procijenjenu vrijednost nabavke u momentu pokretanja postupka, te je shodno navedenom Zaključku Upravnog vijeća Centralne banke Bosne i Hercegovine, odlučeno kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba URŽ-u putem Centralne banke Bosne i Hercegovine u roku od 10 dana od dana prijema ove odluke.



GUVERNERKA

Jasmina Selimović
dr. Jasmina Selimović

Dostaviti:

- guvernerki
- viceguvernerima
- predsjedniku i članovima komisije
- Odjeljenju za sisteme sigurnosti
- Učesnicima u postupku (original)
- Odjeljenju za računovodstvo i finansije (original)
- Odjeljenju za javne nabavke (original)